



佛說一切法高王經 一名一切義王經

養

元魏婆羅門瞿曇般若流支譯

如是我聞一時婆伽婆遊王舍城迦蘭陀竹林與大比丘眾一千二百五十人俱其先志是編髮梵志其名曰優樓頻羅迦葉等一切皆是大阿羅漢諸漏已盡無復煩惱心得自在善得心解脫善得慧解脫人中大龍應作者作所作已辦離諸重擔逮得已利盡諸有結善得正智心解脫一切心得自在到第一彼岸

今時世尊月十五日於布薩時在露地坐諸比丘眾之所圍繞供養恭敬彼時復有一異比丘初始出家即曰受戒詣世尊所到佛所已頭面礼足右繞三匝繞三匝已合掌向佛白言世尊我新出家朝日受戒唯願教我我於僧中去何而食僧中食已云何可消既食食已云何消施又善男子信何義故捨家出家得彼饒益彼異比丘即以偈頌問如來曰
我既新出家朝日始受戒 唯願為我說

一切法高王經 第三卷 養字
去何消僧食 何義故捨家 出家入佛法 唯願說勝義 去何消他施

如是問已如來即答彼比丘言比丘當知若比丘成就三法應食僧食食已消施彼善男子信何義故捨家出家得彼饒益何等為三比丘當知謂入眾僧作眾僧業僧利相應比丘當知比丘成就此三法者應食僧食食已消施彼善男子信何義故捨家出家得彼饒益今時世尊即說偈言
若人入眾僧 造作眾僧業 眾僧利相應 彼人能消施

如是說已彼比丘言如是之義世尊略說我不能解世尊去何比丘名入眾僧作眾僧業又復去何僧利相應時彼比丘即以偈頌問如來曰
去何入眾僧 去何眾僧業 去何眾僧利 願說今得知

如是請已弗言比丘諦聽諦聽善思念之我今為汝廣說眾僧說眾僧業說眾僧利彼比丘言如是世尊願樂欲聞佛言比丘所言僧者四行四得八富伽羅比丘當知此名為僧應受

法華經 卷第五

一切法品五經 第四卷 第五

法華經 卷第五 第五

世間天人供養合掌恭敬無上福田
尔時世尊重說偈言

有四行四得八種富伽羅 此等名為僧
無上勝福田

如是說已彼比丘言未知世尊何者
僧業佛言比丘謂四念處及四正勤
四如意足五根五力七菩提分八聖
道分比丘當知此名僧業尔時世尊
而說偈言

若常歎修習 寂靜八聖道 如是修勝道
是名為僧業

如是說已彼比丘言未知世尊何者
僧利佛言比丘謂僧利者四沙門果
何等為四四者所謂須陁洹果斯陀
含果阿那含果阿羅漢果比丘當知
此名僧利尔時世尊而說偈言

大人有大利 僧中富伽羅 謂四沙門果
彼人能消施

如是說已彼比丘言如世尊說比丘
入僧作眾僧業僧利相應如是比丘
能消他食既食食已能消他施彼善
男子信何義故捨家出家得彼饒益
世尊若人怖望一切智智捨家出家未

知世尊彼富伽羅為入僧不作僧業

不得僧利不佛言比丘善哉善哉汝
善思量汝善能問汝善辯才能問如

來如是之義利益多人安樂多人饒
益多人憐愍世間利益安樂憐愍天

人故如是問如汝所問若人怖望一
切智智捨家出家彼富伽羅為入僧

不作僧業不得僧利不如是問我者為
汝說比丘當知彼富伽羅不入眾僧

非作僧業與眾僧利則不相應尔時
世尊重說偈言

若人怖菩提 彼不入眾僧 非修眾僧業
非僧利相應

如是說已彼比丘言未知世尊彼富
伽羅若不入僧非作僧業非利相應

云何世尊聽其出家聽食僧食云何
消施佛言比丘汝且止勿作此語

此不須問彼異比丘復言世尊若此
比丘不入眾僧非作僧業非利相應

云何消施尔時世尊復言比丘此不
須問彼異比丘更復第三問言世尊

若此比丘不入眾僧非作僧業非利
相應云何消施

尔時世尊以彼比丘慙懃三問即放

眉間白毫相光照此三千大千世界
光明遍滿山河石壁皆悉不現惟見

光明遍此三千大千世界而此三千
大千世界海中眾生所謂諸魚摩伽

羅魚舒摩羅龜等眾生昔未曾見見
光明已皆生驚怖又此三千大千世

界諸大海中若龍女若阿修羅阿
修羅女若迦樓羅迦樓羅女昔未曾

見見光明已皆生驚怖如是光明悉
遍至四大天王三十三天炎摩兜率

化樂自在梵身梵輔梵眾大梵光明
少光無量光天光音淨天及少淨天

無量淨天遍淨廣果不煩不熱善見
善現阿迦尼吒乃至非想非非想處

多千天子觀佛光明一切皆來乃至
三千大千世界四大王天次第乃至

淨處天眾一切專心來詣佛所到佛
所已頭面礼足尊重恭敬合掌向佛

住虛空中
尔時復有眾多比丘遊行人中既觀

光明往詣佛所到佛所已頭面礼足
右遶三匝一心正念却坐一面

尔時復有比丘比丘尼優婆塞優婆夷既覩光明往詣佛所到佛所已頭面礼足右遶三匝專心正念却坐一面尔時復有三千大千世界諸龍夜叉乾闥婆阿修羅迦樓羅緊那羅摩睺羅伽人非人等覩佛光明往詣佛所到佛所已頭面礼足右繞三匝一心正念却坐一面
尔時慧命舍利弗從座而起整服一廂右膝著地合掌向佛白言世尊此多比丘比丘尼優婆塞優婆夷等皆來集會世尊此多天龍夜叉乾闥婆阿修羅迦樓羅緊那羅摩睺羅伽人與非人四大天王三十三天夜摩兜率化樂自在并梵身天乃至無量淨處淨身多千天子覩佛光明皆來集會世尊何故放眉間光願為解說尔時慧命舍利弗即以偈頌問如來曰多千數眾生復憶那由他覩佛光明故皆來見世尊世尊以何因復以何因緣此多千億眾今來集此處世尊知其義何故來至此願導師憐愍為我說其因如是問已佛告慧命舍利弗言舍利

弗此新出家朝日受戒比丘問言若有比丘行大乘行專心怖求一切智智彼人云何食眾僧食能消他施舍利弗我今欲答彼比丘問為是義故如是無量億千眾生和集來此
尔時慧命舍利弗言惟願世尊惟願善逝今答此問佛言舍利弗若說此義有人迷没何以故舍利弗一切大龍不可思議有神通大師子吼不可思議師子之吼不可思議大眾生法不可思議此非一切愚癡凡夫聲聞緣覺所能信解故汝三問我皆默然不答此義慧命舍利弗白佛世尊今此會中有比丘比丘尼優婆塞優婆夷天龍夜叉乾闥婆阿修羅迦樓羅緊那羅摩睺羅伽人非人等能信此義惟願世尊利益彼人答我所問佛言舍利弗若說此義眾生迷没尔時慧命舍利弗復以偈頌請如來曰善哉願今說菩薩何功德若行菩提心聞已勤精進
如是請已佛告慧命舍利弗言舍利

舍利弗非菩薩摩訶薩不消布施何以故舍利弗菩薩摩訶薩畢竟消施舍利弗若菩薩摩訶薩日日常食一切眾生所施飲食揣如須弥披其袈裟廣長之量如閻浮提劫劫常尔菩薩摩訶薩恒常如是畢竟消施
舍利弗若菩薩摩訶薩三千大千世界眾生一一眾生于日中施其床座廣長之量如四天下高如須弥七寶間錯何等七寶所謂金銀及毗琉璃私頗胝迦赤色真珠車渠馬瑙以用莊嚴師子之座天衣覆上舍利弗若菩薩摩訶薩一一眾生于日中如是布施菩薩受取隨意受用若坐卧等舍利弗菩薩摩訶薩常如是受常如是用畢竟消施何以故舍利弗乃至初發菩提之心菩薩摩訶薩即發心日已是一切聲聞緣覺眾幸福田舍利弗菩薩摩訶薩一一眾生于日日中以如是色七處宮殿其量廣長如四天下謂閻浮提西瞿耶尼東弗婆提北鬱單越廣長如是一一別處垂七寶簾彼一一處七寶綉縵高

幢幡蓋種種天寶以為莊嚴彼殿高大乃至他化自在天處彼一一處種種寶樹處處遍有彼一切樹隨意所須一切皆得一一樹中皆出樂音彼諸樹中有樹能出種種諸香有樹能出種種妙華有樹能出種種諸果彼殿彼處多有池水八分相應滿彼池中底布金沙彼池多有七寶蓮花充滿其中彼一切池用毗琉璃以為階道普池周匝七寶欄楯彼池岸邊多有無量師子座處億那由他百千數具以敷其上以天妙花遍散地處舍利弗若菩薩摩訶薩如是色殿如是色座如是色處若坐若卧若行若住若語若默皆悉隨意舍利弗若菩薩摩訶薩一切衆生於日日中如是色殿如是色座如是色處得已受用舍利弗如是菩薩摩訶薩於一切衆生畢竟消施如是乃至初發心者何以故舍利弗菩薩摩訶薩一切衆生無上福田

一切法高王經 第九張 養

大姓長者大姓居士大姓人中之王轉輪聖王七寶成就四天王天三天釋提桓因炎摩天子兜率天子化樂天子如是他化自在天子梵天婆主次第乃至色無色中生處衆生若人得住初果二果三果四果復有獲得辟支佛道若人欲覺阿耨多羅三藐三菩提舍利弗此如是等一切皆於菩薩中生菩薩所化應如是知何以故舍利弗菩薩摩訶薩行菩薩已次第獲得阿耨多羅三藐三菩提覺轉于法輪於菩薩所得聞法已如是得入須陀洹果斯陀含果阿那含果阿羅漢果辟支佛道次第乃至阿耨多羅三藐三菩提覺聞布施已則能布施以布施故則得生於刹利大姓婆羅門大姓長者大姓得為人王轉輪聖王聞說戒已能受持戒受持戒故則得生於四天王天三十三天炎摩兜率化樂自在聞四無量故得修行以修行故生色界天舍利弗此門如是應當善知此一切法皆依菩薩菩薩所化

一切法高王經 第十張 養

舍利弗譬如阿那婆達多龍王池處出四大河何等為四所謂強伽辛頭博叉斯陀大河彼四大河入四大海何者為四強伽大河五百眷屬流滿東海辛頭大河五百眷屬流滿南海博叉大河五百眷屬流滿西海斯陀大河五百眷屬流滿北海舍利弗於意云何此四大河流向四方如彼次第入四大海

舍利弗彼四大河流向四方頗有衆生隨須用不慧命舍利弗言無量衆生受用得力所謂沙門及婆羅門人非人等世尊彼四大河悉能遍滿稻田豆田若摩沙田大小麦田異異種種諸穀豆等悉能充遍彼穀豆等多人受用所謂沙門及婆羅門人非人等佛言舍利弗於意云何彼四大海頗有衆生隨須用不慧命舍利弗白佛言世尊無量衆生受用得力謂勝衆生陸地衆生水中衆生所謂魚龜摩伽羅魚垣鱓宜羅蝦蟇鵝及魚師等復是無量大衆生處所謂諸龍龍闍婆阿修羅迦樓羅等無量衆生人

一切法高王經 第十一張 養

與非人受用得力謂珠真珠及毗琉
瑠珂與珊瑚因陀尼羅大青寶珠
娑羅寶迦羅婆寶馬瑙寶等復有大
價異大寶珠在大海中為人受用佛
言舍利弗於意云何彼四大海以何
因緣有如是力慧命舍利弗白佛言
世尊阿那婆達多龍王池水目錄如
是勢力

佛言善哉善哉舍利弗阿那婆達多
龍王離三種畏何等為三所謂得離
迦樓羅畏離熱沙畏若餘龍王行欲
法時地形色相彼阿那婆達多龍王
行欲之時無此形相舍利弗阿那婆
達多龍王宮中坐禪比丘住在彼處
舍利弗阿那婆達多龍王宮中神通
比丘有威德者住在彼處舍利弗阿
那婆達多龍王隨住何宮若有入者
無諸衰惱

慧命舍利弗白佛言世尊希有世尊
阿那婆達多龍王宮殿成就如是未
曾有法希有世尊如是龍宮彼三種
過一切皆無希有世尊隨何衆生入
彼宮者免三種過希有世尊彼龍王

一切法高王經 第十三卷 卷二

宮神通威德坐禪比丘入彼處住希
有世尊彼龍池處出四大河多人受
用彼四大河生四大海大衆生處無
量百千諸衆生等受用之處所謂沙
門及婆羅門人非人等受用之處世
尊阿那婆達多龍王成就如是無量
功德

佛言舍利弗菩薩摩訶薩亦復如是
舍利弗譬如阿那婆達多龍王離三
種畏舍利弗菩薩摩訶薩亦復如是
已得出過三惡道畏何等三畏一地
獄畏二餓鬼畏三畜生畏

舍利弗譬如阿那婆達多龍王池水
出四大河多人受用舍利弗菩薩摩
訶薩亦復如是是有四攝法攝取衆生
何等為四布施愛語利行同事此四
攝法菩薩所行多人受用

又舍利弗譬如阿那婆達多龍王池
處因緣有四大海如是如是舍利弗
菩薩出生菩薩若智

又舍利弗譬如大海無量衆生依住
安樂如是如是舍利弗三有衆生依
薩婆若得安樂住三者所謂欲有色

一切法高王經 第十三卷 卷二

有及無色有舍利弗此門如是應當
善知

舍利弗所有三千大千世界衆生安
樂一切皆因菩薩而生依菩薩有向
以故舍利弗發菩提心常行不斷次
第相續乃至受記得受記已阿耨多
羅三藐三菩提覺阿耨多羅三藐三
菩提覺已轉于法輪若諸沙門若婆
羅門若天若魔若梵若餘皆不能轉
如是正法以聞法故出生四衆所謂
比丘比丘尼優婆塞優婆夷以彼目
緣得無量樂得天人樂得解脫樂

舍利弗汝意云何此法何生慧命舍
利弗白佛言世尊從菩薩生佛言舍
利弗汝意云何三有所攝若利若養
隨何等物一切皆是菩薩先時所作
之恩豈有人能報恩者不慧命舍利
弗言世尊無能報也何以故菩薩出
生一切法故

佛言舍利弗譬如有人貧無財物有
大富者多有財物以悲愍心捨而施
之多百多千無量無數百千萬億皆
能捨與如是次第施第二人施第三

一切法高王經 第十四卷 卷二

人施第四人乃至百千乃至無量百千衆生如是乃至一切衆生彼大富者所有財物一切捨與又復施與一切無畏令除怖畏所有怨憎繫縛鬪諍如是等畏皆令免脫又復令離惡道怖畏又與無量天人安樂彼受施中有一衆生為報恩故破已一物以為百分以一分物與前施者既與物已作如是心我已報恩舍利弗汝意去何若此丈夫如是饒益一切衆生如是利益一切衆生彼一衆生所破之物百分中一與前施者報恩盡不慧命舍利弗言世尊不能盡也佛言如是如是舍利弗菩薩亦尔舍利弗如悲心者利益一切而一衆生一物百分與悲心者一分之物如是如是舍利弗有一施者一切欲樂供養瞻視大乘行者乃至命盡彼人雖作如是供養猶不報恩

尔時世尊告慧命舍利弗言善哉善哉舍利弗汝今真是我之弟子隨順我教善解我語舍利弗一切衆生於菩薩所若捨自肉若皮若筋若骨若

一切法高王經 第十五卷 菩薩

身如是乃至百千到捨於菩薩恩百分之中不報其一如是乃至千分億分百千億分乃至數分不報其一等數譬喻所不能及何以故舍利弗菩薩之恩世間天人阿修羅等所不能報舍利弗若善男子若善女人發起如來一切智心則能報恩何以故舍利弗若有能發阿耨多羅三藐三菩提心者一切衆生之所受用

舍利弗譬如此處閻浮提中生栴檀樹始生牙時已能除滅童男童女藥相應病及其葉生能除婦女男子之病又時增長成栴檀樹若有人來住其蔭中彼人離病彼栴檀樹若出華時能與天樂彼栴檀樹若生果時光明周遍十方世界光明既出隨何衆生心憶念者則得不老不病之法彼栴檀樹若有斫伐分析破裂取其材木而將去者不畏貧窮彼栴檀樹若有人能取其材木用為屋舍入其中者不寒不熱不飢不渴如是如是舍利弗彼栴檀樹皆悉有用無不用者樹始生時已住受用生已有用增長

一切法高王經 第十六卷 養

有用華出有用果出有用斫伐破裂材木有用作屋有用

舍利弗菩薩摩訶薩亦復如是初發阿耨多羅三藐三菩提心修四攝法與衆生樂如栴檀芽既發心已三解脫門心得增長何等為三謂空無相無願等門如樹生葉次後得住無生法忍如樹增長次復成就一切智智如樹華出次入無餘涅槃界中如樹有果碎身舍利量如芥子住持利益諸衆生界如人斫伐彼栴檀樹將木而去如來舍利利益衆生亦復如是如栴檀樹取木作舍入者安樂如是如來入涅槃已諸修行人入如來寺除熱清涼舍利弗此門如是應當善知

舍利弗若善男子若善女人其有能發阿耨多羅三藐三菩提心者佛法不斷一切衆生得天人樂及解脫樂常行不斷

舍利弗若天人樂及解脫樂常行不斷舍利弗豈有能說與其相似與等者不慧命舍利弗白佛言世尊無能

一切法高王經 第十七卷 養

與等彼富伽羅人天并梵修羅世間
雖與喜樂不能報恩若於一劫若於
百劫若於千劫若於億劫若億千劫
不能報恩

佛言如是舍利弗若善男子若善女
人欲報無上一切恩者彼人應發阿
耨多羅三藐三菩提心舍利弗此發
心者無上報恩如恩相似相似報恩
無相似衆生無譬喻衆生欲報其恩
者生不相似心生此無上心

舍利弗欲報過去如來恩者惟應發
此阿耨多羅三藐三菩提心舍利弗
欲報未來如來恩者亦惟發此阿耨
多羅三藐三菩提心舍利弗欲報今
時十方世界諸佛世尊現在現命現
住如來無上恩者亦惟發此阿耨多
羅三藐三菩提心

舍利弗二富伽羅供養如來無上供
養何等為二有富伽羅一切漏盡有
富伽羅發阿耨多羅三藐三菩提心
尔時世尊即說偈言

說二富伽羅 供養於如來 菩薩阿羅漢
是二富伽羅 非世間財物 三有中資生

能作善供養 供養彼大人 若以天人中
勝色聲味觸 捨施彼大人 不名善供養
若資生供養 非無上供養 若發菩提心
是無上供養 若天人世間 及以魔世間
一切欲者與 非是勝報恩 大人不乏少
不生憍望心 如是之大人 更無勝供養
若人心憍望 無上供養佛 彼發菩提心
取未來成佛 若人常憍望 欲作無量福
彼發菩提心 堅固勤精進 若人欲憍望
發心修無量 彼人發精進 欲得佛菩提
若人憍天樂 捨離一切苦 彼人則修習
佛菩提因緣 若欲見無量 阿僧祇諸佛
正信懇重心 欲取佛菩提 若人欲行到
無量異世界 彼人勤精進 欲取佛菩提
若欲見過佛 有如是憶念 彼發菩提心
修行菩提行 若人欲得見 未來世諸佛
彼發菩提心 修行菩提行 若欲見供養
現在世諸佛 彼人心樂欲 利益諸衆生
若人悲心普 愍一切衆生 彼人欲發起
無上佛菩提 若欲與衆生 無上無量樂
彼人欲發起 第一佛菩提 若見苦衆生
而生於悲心 彼人欲發起 佛菩提因緣
若生如是心 我覺無上道 彼無量功德

一切不可說
如是說已慧命舍利弗白佛言世尊
世尊向來說如是法幾許衆生發阿
耨多羅三藐三菩提心佛告慧命舍
利弗言舍利弗汝且止止舍利弗汝
今何用問如是義何以故舍利弗若
使如來一切智智說此義者衆生迷
惑何以故舍利弗以佛如來有無量
戒無量三昧有無量慧無量神通有
無量智舍利弗辟如虛空不可量取
云何虛空可思議不慧命舍利弗言
世尊不可思議何以故以彼虛空無
人已知今當知佛言如是如是舍
利弗如來所知一切衆生一切聲聞
一切緣覺不能已知今當知何以
故佛之所知非諸聲聞緣覺境界
慧命舍利弗白佛言世尊希有世尊
彼諸衆生乃有如是善決定意發阿
耨多羅三藐三菩提心佛言如是如
是舍利弗當有菩薩善決定意慧命
舍利弗言世尊善決定意善決定意
佛言舍利弗如閻浮提所有衆生若
在陸行若在水行若在空中行若在地

一切法高王經 第三十二張 養字號

行彼如是等一切眾生本身盡已皆
 得人身若有一人教彼諸人令住五
 戒十善業道舍利弗汝意云何彼富
 伽羅以是因緣得多福不舍利弗言
 甚多世尊彼人福德不可譬喻佛言
 舍利弗我復更說汝今應知如是之
 人教閻浮提一切眾生令住五戒十
 善業道所有福德若復有人令一眾
 生住信行法其福勝彼舍利弗汝意
 云何若復有人令閻浮提一切眾生
 住信行法彼富伽羅以是因緣得福
 多不舍利弗言甚多世尊彼人福德
 不可少分譬喻而說佛言舍利弗如
 是之人令閻浮提一切眾生住信行
 道所有福德若復有人令一眾生住
 法行道其福勝彼

一切法高王經 第三十二張 養字號

舍利弗汝意云何若復有人令閻浮
 提一切眾生住於初果彼富伽羅以
 是因緣得福多不舍利弗言甚多世
 尊彼人福德不可譬喻佛言舍利弗
 如是之人令閻浮提一切眾生住於
 初果所有福德若復有人令一眾生
 住第二果其福勝彼

舍利弗汝意云何若復有人令閻浮
 提一切眾生住第二果彼富伽羅以
 是因緣得福多不舍利弗言甚多世
 尊彼人福德不可譬喻佛言舍利弗
 如是之人令閻浮提一切眾生住第
 二果所有福德若復有人令一眾生
 住第三果其福勝彼

舍利弗若復有人令閻浮提一切眾
 生住第三果所有福德若復有人令
 一眾生住羅漢果其福勝彼

舍利弗若復有人令閻浮提一切眾
 生住羅漢果所有福德若復有人令
 一眾生得緣覺道其福勝彼

舍利弗若復有人令閻浮提一切眾
 生住緣覺道所有福德若復有人令
 一眾生住阿耨多羅三藐三菩提其

一切法高王經 第三十二張 養字號

福勝彼

舍利弗若復有人令閻浮提一切眾
 生住阿耨多羅三藐三菩提所有福
 德若復有人令一眾生住不退法其
 福勝彼

舍利弗若復有人令閻浮提一切眾
 生住不退法所有福德若復有人令
 一眾生畢竟安住無生法忍其福勝彼

舍利弗若復有人令閻浮提一切眾
 生畢竟安住無生法忍所有福德若
 復有人令一眾生速疾安住一切智
 智其福勝彼

舍利弗若復有人令閻浮提一切眾
 生速疾安住一切智智所有福德若
 復有人為他廣說能生菩提能破壞
 魔亦除無我能離諸界破壞諸入盡
 滅煩惱淨分種子破壞塗分此一切
 法高王法門其福勝彼

舍利弗置閻浮提一切眾生舍利弗
 辟如乃至遍四天下世界眾生如是
 乃至一千世界二千世界三千世界
 乃至無量百千世界東西南北四維
 上下如是十方於一方恒河沙等

世界衆生有色無色陸行水行卵生胎生濕生化生如是乃至有想無想彼如是等一切衆生本身盡已皆得人身若有一人教彼諸人令住五戒十善業道舍利弗彼富伽羅以是因緣得福多不舍利弗言甚多世尊甚多善逝彼得無量阿僧祇福

佛言舍利弗汝今應知如是譬喻舍利弗如是十方諸世界中一切衆生若人令住信行法行須陀洹果斯陀含果阿那含果阿羅漢果辟支佛道住阿耨多羅三藐三菩提住不退法不生法忍一切智智所有福德若復有人為他廣說此一切法高王法門所得福德舍利弗此福德聚勝前福德第一清淨無上無比

舍利弗此勝法門善決定意菩薩摩訶薩之所修行菩薩之行如是應知舍利弗若人得聞此一切法高王法門當知是人即是菩薩摩訶薩也彼人不退阿耨多羅三藐三菩提是福田者無等等者不相似者是憶念者是過度者是寂靜者是調御者姓寂

靜者是解脫者是丈夫者是師子者第一男者勝丈夫者大丈夫者龍者天者天中天者無障導者是不縛者作所作者所作辦者一切所作皆悉辦者即是無邊功德聚者尔時世尊即說偈言

若人行菩提 是決定衆生 彼人無惡意 有無明如來 若發菩提心 其福不可喻 一切世間福 無如菩提福 無邊世界中 所有諸衆生 若人令勝上 轉轉更增上 彼人轉上上 上上得福利 於此菩提心 彼福如微塵 若人廣說此 無上修多羅 及學此經者 彼人是福田 若人聞此經 盡本性清淨 彼人名寂靜 是佛之真子 若聞此經時 勇健審丈夫 名調御解脫 天中天師子 若人說此經 經中無上經 天中天之天 衆生中無上

如是說已慧命舍利弗白佛言世尊希有世尊如來乃能於此經中如是略說菩薩之行菩薩乃於阿僧祇劫行菩薩行猶故未得無上佛智世尊此經中說無上佛智世尊若有衆生從如來口聞此法門如是衆生快得

善利第一善利

慧命舍利弗白佛言世尊如我解佛所說法義乃至過去已入涅槃諸佛世尊已為衆生說此法門此法門者彼過去佛所說法中取為第一世尊於未來世諸佛世尊當為衆生說此法門此法門者彼未來佛所說法中取為第一謂一切法高王法門世尊於今現在現命現住諸佛世尊今為衆生說此法門此法門者彼現在佛所說法中取為第一世尊我從世尊先已曾聞多多法門善哉世尊今復為我說此法門

佛告慧命舍利弗言舍利弗此修多羅佛自知時如衆生心信解之相知心而說舍利弗是佛所知非諸聲聞緣覺境界

舍利弗說此法時八万四千人先未曾發菩提之心今聞此經發菩提心六十千衆生得無生法忍有七十億欲界諸天先未曾發菩提之心今聞此經發菩提心三億衆生得預順忍無量地天諸龍夜叉先未曾發菩提

一切法高王經 第二十七卷 善字

之心今聞此經發菩提心舍利弗如來觀知如是義故廣為衆生說此法門

尔時無量百千衆生比丘比丘尼優婆塞優婆夷合掌向佛瞻仰尊顏目不暫捨

尔時世尊怡然微笑於面門中放無量色種種色光遍照三千大千世界此勝光明遍已還入世尊面門

尔時慧命舍利弗白佛言世尊云何世尊何因何緣如是微笑惟願世尊為我解說佛告慧命舍利弗言舍利弗此多比丘比丘尼優婆塞優婆夷合掌觀佛目不暫捨汝為見不舍利弗言已見世尊佛言舍利弗此四部衆行大乘行行菩薩行舍利弗如彼心行我悉知之舍利弗若以如來過去不得未來不得現在不得舍利弗此衆生行陰中不得界中不得入中不取舍利弗此菩薩行無上無等如來說此菩薩行時於此三千大千世界皆悉大動謂動遍動等遍動勇遍勇等遍勇乳遍乳等遍乳起遍起等

遍起覺遍覺等遍覺魔王波旬退其宮殿餘異魔身皆悉退墮此有偈言朝壞魔軍力不能更復起以正覺所說一切無有餘陰魔煩惱魔瘦弱無勢力以聞如來說一切法空故見諸魔驚怖聞不戲論法彼法既不生去何得有死彼魔波旬既墮地已即向如來而說偈言善哉獨大佛願速安慰我我今恐命盡愁憂之所縛時魔波旬得佛安慰忽然不現如來既說此法門已慧命舍利弗心意歡喜彼新出家無夏比丘并諸天人及阿修羅乾闥婆等聞世尊說皆大歡喜

佛說一切法高王經

一切法高王經 第三十六卷 善字

一切法高王經翻譯之記

若夫皇德配天則臣應聖道魏大丞相渤海國王冥會如來勝典之目謂一切法高王經也子尚書令儀同高公能知通法資福中勝翻譯之功通法之軍敬集梵文重崇茲業感佛法力遇斯妙典令知法者翻為魏言大乘學人沙門曇林婆羅門客瞿曇流支在寶大尉定昌寺譯興和四年歲次壬戌季夏六月朔次乙未二十三日丁巳創譯八千四百四十九字出此經福非凡知量若有形色空界弗容書寫讀誦供養等者生死暫居菩提不遠其有智慧男子女人若見聞知願崇斯福

庚子歲高麗國大藏都監奉勅雕造

勅雕造

一切法高王經 第二十八卷 善字

佛說一切法高王經

佛說一切法高王經

校勘記

- 一 底本，金藏廣勝寺本。七五六頁上至七五八頁下共九版，原版殘缺，以麗藏本換。
- 一 七五三頁中一行「佛說」，**資**、**磧**、**普**、**南**、**徑**、**清**無。卷末經名同。
- 一 七五三頁中一行夾注，**資**、**磧**、**普**、**南**、**徑**、**清**無；麗作「一名一切法義王經」。
- 一 七五三頁中二行末字「譯」，**普**、**南**、**徑**作「第三譯」。
- 一 七五三頁中六行第八字「編」，**資**、**磧**、**普**、**南**、**徑**、**清**作「辦」。
- 一 七五三頁中六行第四字「驟」，**資**、**磧**、**普**、**南**、**徑**、**清**作「螺」。
- 一 七五四頁上二行及同頁中一一行「重說偈」，**資**、**磧**、**普**、**南**、**徑**、**清**作「偈重說」。
- 一 七五四頁上一〇行第三字「歎」，**資**、**磧**、**普**、**南**、**徑**、**清**、**麗**作「勤」。

- 一 七五四頁上末行第一〇字「智」，**資**、**磧**、**普**、**南**、**徑**、**清**無。
- 一 七五四頁中八行「我者」，**資**、**磧**、**普**、**南**、**徑**、**清**、**麗**作「者我」。
- 一 七五四頁中一〇行第九字「則」，**普**、**南**、**徑**、**清**作「問」。
- 一 七五四頁下二行「相光」，**磧**、**普**、**南**、**徑**、**清**作「光相」。
- 一 七五四頁下六行第三字「舒」，**資**、**磧**、**普**、**南**、**徑**、**清**作「舒舒」。
- 一 七五四頁下一〇行末字「悉」，**資**、**磧**、**普**、**南**、**徑**、**清**、**麗**作「皆悉」。
- 一 七五四頁下一行「天王」，**資**、**磧**、**普**、**南**、**徑**、**清**、**麗**作「王天」。
- 一 七五四頁下一四行第八字「果」至一五行第一〇字「想」，**磧**無。
- 一 七五四頁下一七行第八字「大」，**資**、**磧**、**普**、**南**、**徑**、**清**作「天」。
- 一 七五五頁上三行第八字「專」，**資**、**磧**、**普**、**南**、**徑**、**清**作「一」。
- 一 七五五頁上一四行「四大天王」，**資**、**磧**、**普**、**南**、**徑**、**清**作「四天王

- 天」；麗作「四大王天」。
- 一 七五五頁中一三行第一二字「佛」，**資**、**磧**、**普**、**南**、**徑**、**清**作「佛言」。
- 一 七五五頁中二〇行末字「心」，**資**、**磧**、**普**、**南**、**徑**、**清**作「者」。
- 一 七五五頁下四行第一二字「披」，**資**、**磧**、**普**、**南**、**徑**、**清**作「被」。
- 一 七五五頁下一五行首字「卧」，**資**、**磧**、**普**、**南**、**徑**、**清**作「若卧」。
- 一 七五六頁中七行第一〇字「覺」，**資**、**磧**、**普**、**南**、**徑**、**清**作「學」。
- 一 七五六頁下四行第五字「殞」，**資**、**磧**、**普**、**南**、**徑**、**清**作「強」。
- 一 七五七頁中一六行第一〇字「行」，**資**、**磧**、**普**、**南**、**徑**、**清**作「益」。
- 一 七五七頁中末行第九字「者」，**南**、**徑**、**清**作「有」。
- 一 七五八頁上九行「報恩」，**資**、**磧**作「恩報」。
- 一 七五八頁中一三行末字「住」，**南**作「往」。
- 一 七五八頁中末行第六字「住」，**資**、

一 七五八頁下二一行第一三字至二

二行首字「行不斷」，**資**、**磧**、**普**、

南、**徑**、**清**作「不斷行」。

一 七五九頁上二行第三字「喜」，**麗**作「善」。

一 七六一頁上一三行首字「不」，**資**、

磧、**普**、**南**、**徑**、**清**作「無」。

一 七六一頁上末行第一三字「姓」，

資、**磧**、**普**、**南**、**徑**、**清**、**麗**作「性」。

一 七六一頁下二二行第一二字「預」，

資、**磧**、**普**、**南**、**徑**、**清**、**麗**作「柔」。

一 七六一頁下末行第四字「天」，**資**、

磧、**普**、**南**、**徑**、**清**作「諸天」。

一 七六二頁上二〇行第一一字「上」，

南作「量」。

一 七六二頁上二二行第一三字「勇」，

資、**磧**作「踊」；**普**、**南**作「涌」；

徑、**清**作「湧」，下同。

一 七六二頁中一三行第九字「夏」，

資、**磧**、**普**、**南**、**徑**、**清**作「憂」。

一 七六二頁中末行末字「經」下，**麗**有

夾注「丹本一名一切法義王經」。

一 七六二頁下一行至一五行，**金藏**及**資**、**磧**、**普**、**南**、**徑**、**清**無此段文字，今據麗藏本補。**普**另有跋文，抄錄如下：「此經卷首尚欠翻譯序記餘藏若有請與書入按開元錄注云魏興和四年歲次壬戌季夏二十三日丁巳創譯八千四百四十九字奉此故題以期來哲」。